

## ХАТТАМА №1

Құлсары қаласы

Уақыты: 23.02.2022 жылы, сағат 10:00  
Өткен орны: Қосшағыл ауылдық мәдениет үйі  
Ұйымдастырушы: «Жылыойгаз» ЖШС

Қатыскандар:

1. Жакашев Г.М - Жылыойгаз ЖШС директоры
2. Бертлеуова С - ГҚжҚҚжЖБ бастығы
3. Изматова У – өткізу қызметінің жеке тұлғалар бойынша менеджері
4. Утаров С - өндірістік техникалық бөлім инженері
5. Сулейменова Ш - экономист
6. Аудандық мәслихаттан - Байжумиева С
7. Қосшағыл ауылдық округінің әкімі-Баселов С

### Күн тәртібі:

1. Әлеуметтік желілерде газ бағасына қатысты туындап жатырған халықтың сұрағына ашық сұхбат түрінде жауап беру, жалпы серіктестіктің қызметі бойынша ақпарат жеткізу.

Халықпен болған ашық сұхбатты Қосшағыл ауылдық округі әкімі С.Баселов ашып, «Жылыойгаз» ЖШС директоры Г.М.Жакашевке сөз берді.

Халықтың ең бірінші сауалы Атырау облысының өзге аудандарында газ бағасы түскенімен, Жылыойда неге газ бағасы түспей тұр деген болды. Газдың бағасын түсіру керек және оны өсірмеу керек деген ұсыныс пікірлер айтылды. Оған, «Жылыойгаз» ЖШС директоры Жакашев Г.М жауап берді. Әзірге Жылыойда газ бағасы төмендеген жоқ. Біріншіден, Теңіз кенішінен өндірілетін газдың да, оны тасымалдап жылыойлықтарға жеткізіп отырған «Жылыойгаз» ЖШС-ның «ҚазТрансГазАймақ» акционерлік қоғамына ешқандай қатысы жоқ. Міне, үш жылға тарта уақыт өтті көгілдір отын тарифі жеке тұлғалар үшін әлі күнге дейін көтерілген жоқ. Алғашында Президент Қ.Тоқаевтың жолдауына байланысты, одан кейінгі жылдары пандемияға орай қымбаттатуға жол бермедік.

Бұған дейінгі сұхбатымызда да, жыл сайынғы қоғамдық тыңдауларда айтып жүрмін, тағы да қайталаймын: біз газды «Теңізшевройл» компаниясынан сатып аламыз және аталған мекеме елдегі инфляцияның деңгейіне қарай әр жылдың 1 шілдесінде өз тарифін көтеріп отырады. Өсім өткен 2021 жылдың жазында да қосылды. Оқырмандарға түсінікті болу үшін айтайын: ТШО-ның 1 текше метрге шаққандағы сату бағасы – 5,67 теңге. Мұны компания басшылығы жоғарғы жақтағы министрлікпен келісіп бекітеді. Ал, біздің тариф облыстық табиғи монополияларды реттеу агенттігінің қадағалауында. Біз өз кезегімізде сатып алған газды Құлсары қаласына тасымалдап, тұтынушыға сатамыз. Тасымалдау тарифіміз – 1 текше метр үшін 2,10 теңге, сонда көгілдір отын құны ауданға жеткенше

қосымша құн салығынсыз 7,77 теңге, қосымша құн салығын қосқанда 8,70 теңгені құрайды. Өкілетті органның талабы бойынша 3 жыл бойына газ бағасы өсірілмеді, қазіргі таңда ауданда газ қосымша құн салығын қосқанда 7,68 теңгеге сатылып отыр, яғни біз әр 1 м3 газ үшін 1,02 тг ұтылып отырмыз.

Бір сөзбен айтқанда, біз табиғи газды «Теңізшевройлдан» қымбатқа сатып алып, халыққа арзанға беріп отырмыз. Себебі: жоғарыда айтып өткеніміздей, ТШО теңгенің құнсыздану деңгейіне байланысты газ бағасын жыл сайын қымбаттатумен келеді, ал біз 2020 жылғы тарифты өзгертпедік. Арзандатуды Теңізден (Теңізшевройл ЖШС-нен) бастау керек және осы мақсатта біз өз тарапымыздан тиісті хаттарды жолдадық. Бұл сұрақ күн тәртібінен түспейді деп сөзін қорытындылады.

Одан кейін, кездесуге жиналған тұтынушылардан келесідей сауалдар, ұсыныс пікірлер түсті. Оған «Жылыойгаз» ЖШС мамандары жауап берді.

- 1) Қосшағыл тұрғыны Естлеуов Болат- газ бағасын тұрақтандырудан бөлек, газ бағасын төмен түсіруге жұмыстану керек деген пікірін білдірді.
- 2) Қосшағыл тұрғыны Балабаева Калдекеш-газ плитасының қасынан жыл сайын қайта-қайта жантақ өсіп шыға беретіндігін айтып, котел орнын ауыстырып беруге көмек сұрады.
- 3) Қосшағыл тұрғыны Мекебаев Бекболат- Сүлеймен банкет залына бара жатырған газ линиясының кейбір жерлерінің ескіріп, тозығы жетіп тұрғандығын айтты, компенсатор керек жерлерді көрсетті. Сонымен қатар, газ линиясын көбіне түйе малының өркешімен құлатып, стойкаларынан шығарып жіберетіндігін айтты.
- 4) Қосшағыл тұрғыны Исатай Арсен- құрылыс монтаж жұмыстарына қатысты, оның ішінде жобаны келісімдеу, есепке алу аспабын орнату бөлігінде сұрақ қойды.
- 5) Қосшағыл тұрғыны Каракулов Жакен-техникалық қамту жұмыстарына қатысты сауал қойды.

Кездесудің қорытынды бөлігінде жиналған халық газдың толассыз, еш іркіліссіз беріліп отырғандығына алғысын білдіріп, айтуға тұрарлық жасалған және жасалып жатырған оң істердің бар екендігін жеткізді.

Отырыс төрағасы кездесуді осы жерде айтылған барлық мәселелер ескеріліп, сұрыпталатын болады және нәтижеге жұмыс жасайтынын жеткізіп аяқтады.

**Отырыс төрағасы:**  
«Жылыойгаз» ЖШС директоры



Жакашев Г.М

**Отырыс хатшысы:**  
Заң кеңесшісі



Кусаинова Н